



Σὺν οἷῳ

EXERCITATIONUM ETHICARUM  
OCTAVA

DE TEMPERANTIA, LIBER-  
LITATE, MAGNIFICENTIA, MODESTIA,  
MAGNANIMITATE ET MAN-  
SUE TUDINE.

*Quam*

Benedicente DEO Opt. Maximo

*Permissu Amplissimi Collegii Philosophici*

Sub Præsidio

M. JOHANNIS Reinboths

Altenburgô - Misnici,

*Placide disquisitioni*

ad diem Aprilis horis & loco consuetis

*subjicit*

Respondens


NICOLAUS GETHERUS Hof.

Rostochl, Literis hæredum Richelianorum.

Anno clj lxx xxxvi.







*Cum Deo!*

I.

**E**Xplicatâ Fortitudinis naturâ ad TEMPERANTIAM Philosophus *à c. 10 l. 3. Ethic.* ad finem progreditur. Non enim satis est ad Reip. salutem externos hostes à patriæ muris & propugnaculis pellere, sed intra mœnia & tecta latentes proditores arcendi sunt. Voluptatē blandam voco internum affectuum proditorem & furorem, quæ hominem enervat & à recto itinere ad libidinem abducit, multosq; quos dolor debilitare non potuit, quiq; sine ullo metu pericula adierant, labores pertulerant, vulnera exceperant, mortemq; ipsam, quā nihil terribilius, pro nihilo putaverant, superavit, molliissimisq; suis vinculis constrinxit. Ab hac Hercules Jovis, ut Poëtæ loquuntur, satū editus & monstrorum domitor, in quem nihil unquam virium habuerat dolor, devictus est, ut in Omphales gremio cubans pro corona populea mitellam aut calantirā capite gestarit; pro Leonis pelle crocotam indutus fuerit, pro clava & arcu colum & calathos tractaverit. Hannibalem etiam virum Pyrenæis alpibus Rhodanisq; fluviis armisq; Romanorum indomitum campaniæ fomenta vicerunt, teste *Senecâ in Ep. & Floro l. 2. c. 6. vid. l. 7. Pol. c. 15.*

2. Temperantia igitur huic malo medetur, furentisq; appetitus flammam suppressit, voluptatis nervos conscindit, & totam denique vitam moderatione harum voluptatum castam & honestam reddit. Unde Latinis etiam *à Temperamento* dicta fuit, Græcis *σωφροσύνη* q. *σωφρονία τῆς ψυχῆς*, ut docet Plato in Cratylō & Aristoteles *l. 6. Eth. cap. 5.* quod non tantum corpus ab adversa valetudine inoffensum præster, teste *A. Gellio lib. 3. Noct. c. 1. & 13.* sed & prudentiam, hominisq; ingenium, judicium & memoriam conservet. Nam

— corpus onustum, inquit Horatius,

Y 2

Heste.



Hesternis vitiis animum quoq; prægravat ipsum;

Atq; adfigit humi divinam particulam auræ.

3. Est autem *Temperantia* (homonymiæ ex *Joach. Camerario* f. 146. peti possunt) μεσότης πρὸς ἡδονὰς καὶ λύπας l. 3. *Eth.* c. 10. l. 1. *Magn. M.* c. 21. & l. 1. *Rhet.* c. 9. mediocritas circa voluptates & dolores. Vel: Est habitus animi præelectivus, qui mediocritatem servat in expetendis & fruendis voluptatibus, aut perfrendis iis doloribus, qui ex rei jucundæ privatione animo concipiuntur.

4. Quo ipso objectum innuitur, quod duplex est: *Internum* nimirum αἱ πρὸς ἐδωδὺν ἐπιθυμίαι, καὶ πόσιν, καὶ ἀφροδίσια, uti Platoni dicuntur l. 9. de Rep. fol. 334: cupiditates cibi, & potus, & rerum Veneriarum; & *Externum*, quod duplex, vel *primarium*, vel *secundarium*.

5. *Primarium objectum* sunt voluptates, non animi, ratione hæc enim nemo intemperans appellatur, uti ostendit Philosophus l. 3. *Eth.* c. 10. § 3. (qui enim ambitiosè honores amat, φιλότιμος: qui pecuniam, φιλοχρηματικός: qui sapientiam, φιλοσοφικός: qui virtutem, φιλαρετικός dicitur) sed corporis. Ubi non est, quod existimes, cum omnes voluptates animo percipiuntur, unde *Epicharmus*: Νῆς ὁρᾷ, νῆς ἀκούει, τὰ ἄλλα κωφὰ καὶ τυφλά. Mens videt, mens audit, cætera cæca ac surda sunt; ideo malè quasdam corpori tribui. Nam illæ hoc loco ψυχικαὶ & animæ voluptates dicuntur, quæ nullo modo ad corpus spectant; *Σωματικαὶ* vero illæ, quæ licet sentiantur animo, afficiunt tamen insuper corpus, ut divisio hæc Aristotelica eundem habeat sensum, quem illa, quæ posita est à *Xenophonte*, principio *Hieroni*: ἔτι μὲν ἐν ὅτι δι' αὐτῆς τῆς ψυχῆς μοι δοκᾷ μὴ ἡδεσθαι, ὅτι δ' αὖ λυπεῖσθαι ἐπὶ ᾧ ὅτι κοινῇ καὶ διὰ τῆς ψυχῆς καὶ διὰ τοῦ σώματος.

6. Cum autem juxta quinarium sensuum numerum sint quincuplices, aliæ visus, aliæ auditus, aliæ olfactus, aliæ gustus, aliæ deniq; tactus; circa tres priores *Temperantia* per se minime occupatur,



patur, quoniam ex iis propriè aut per se temperans aut intemperans nemo dicitur nisi forsan per accidens, quatenus quis illicitè rem appetit, ex cuius aspectu, auditu vel olfactu voluptatem sentit.

7. Merito igitur Ægyptii commendantur à Platone apud quos & picturarum & Musicorum licentia legibus coerceretur, quod permagni interesse iudicarent, ut adolescentes à teneris annis honestis picturis & honestis cantibus assuefierent. Nam movetur animus picturâ, ut ait Muretus, & aut in memoriam redit talliam flagitiorum aut ad ea suscipienda incitatur, uti exemplo Tiberii Casarum comprobatur. Huic enim quidam testamento legaverat Parrhasii tabulam, in qua picta erat Atalanta cum Meleagro id libidinis genus exercens, quo nullum fœdus aut flagitiosius cogitari potest, additâ conditione ut si tam turpi pictura offenderetur, decies HS pro ea tabula acciperet: at ille tabulam non tantum pecuniæ prætulit, verum etiam in cubiculo collocavit: nimirum cuius oculi tantæ turpitudinis aspectu pascebantur, cum mirum non est, ea postea in Capreeni secessu, quæ hodie ne legi quidem sine horrore possunt, perpetrasse.

8. Dux igitur posteriores τῆς ὑποσεως καὶ ἀφῆς Voluptates verum & genuinum Temperantiæ sunt objectum, harum enim τῆς τοῦ σώματος ἡμετέρας καὶ ἀφῆς, ὅθεν αὐτὴν ἀπαρτίζουσιν καὶ μετὰ τὴν φαίρονται. l. c. Ubi tamen Tactus Voluptates magis Temperantiæ obiciuntur, quàm gustus. Difficilius enim his resistitur. lib. 2. Eth. c. 3. in fin. Inde etiam Intemperantes illas magis appetunt, quod eorum exemplo probatur, qui cibos aut vina solent gustare. Hi enim tantum leviter ea linguæ admovent, per exiguam sentientes voluptatem; ut & Erixii cuiusdam gulonis, cui nomen Philoxeno, qui collum sibi dari quam gravis longius optabat, quo majore deliciarum voluptate demulceretur ex tactu descenduntium eduliorum.

9. Neq; tamèn omnes voluptates ex tactu provenientes refrenat Temperantia. Quædam enim necessitatù, utilitatù & sanitatù ergò expetuntur, cujusmodi sunt corporis exercitia, frictions, calefactiones &c. quæ vel valetudinis gratiâ, vel confir-



mandi roboris causa etiam à Medicis præcipiuntur: hæc tanquam  
ἐνδεδειγμένα. Intemperantem neminem faciunt; quædam verò  
præterquàm quòd necessaria & utiles sunt, sanitatemq; adjuvane  
& conservant, etiam titillantem jucunditatem pariunt, quales sunt  
οἱ γινόμενοι ἐν Σίτισι καὶ ἐν ποτίῃ, καὶ ἐν πῖσι ἀφροδισίοις λεγο-  
μένοις. l. c.

10. Explicato objecto primario ad secundarium nos verti-  
mus. Est autem *Secundarium Objectum Dolor*, quatenus prohibetne  
prorsus voluptate careamus. Et circa hos dolores minus versatur  
Temperantia; æquius enim faciliusq; caremus voluptate absente,  
quàm caveamus præsentem. Est n. comta venusta & blanda, sed in-  
sidiosa & fallax Helena animos mortalium ita afficiens, ut veluti  
aspidis aculeo jecti in somno voluptatis sine sensu pereant. Hinc  
dissimiliter Temperantia circa voluptates & dolores versatur. Cir-  
ca illas enim laborat viam ostendens, quâ & quomodo ad eundem.  
Circum hos autem accidentaliter, quatenus ex absentia ascititiæ dul-  
cedinis sequuntur. *Arist. l. 3. c. 11. §. 4.*

11. Ex Objecto Temperantiæ hætenus explicato duæ spe-  
cies hujus virtutis fluunt, quarum prior dicitur *Frugalitas*, quæ in  
abstinentiam & sobrietatem dispescitur, posterior verò *Cæstitas*.

12. *Abstinentia* est Temperantia circa voluptatem ciborum  
occupata, i. e. quâ nec plus cibi aut voluptatis inde profluentis, nec  
aliter appetimus, quàm natura & recta ratio suadet. Modus igitur  
pro ratione virium cujusq; attendendus. Nec enim tantum  
cibi pygmaeo sumendum, quàm giganti cuiquam, sed quantum cui-  
que sufficit.

13. *Extrema Abstinentia* sunt in excessu *Voracitas*, quæ est  
intemperantia in cibo, de qua vide *Syrac. c. 31. 19. c. 37. 32.* ut & *A-  
thenaum l. 10. διονοσοφ. c. 1. & 2.* Exemplo est *Pichyllus* quidam  
cognomento πιδυς, i. e. helluo, qui cum ad convivia itaret, non  
tantum manus armavit digitalibus: verum etiam linguam mem-  
branâ quâdam obvolvere solitus fuit, ut calida & propè ardentia  
obsonia sine ullo impedimento devorare posset. Legatur *Clau-  
dius Minos Comm. ad 90. Embl. Alciati.* In defectu nimia ab-  
stinen-



*Abſtinentia*, quā quis à licito ciborum eſu & uſu rigide abſtinet, quem admodum cujuſdam Monachi Bathæi in Coeloſyria merninit *Sozomenus* l. 6. c. 34. qui tam frequenter jejunavit, ut ex ipſius dentibus vermiculi ſcaturirent. Rarum Monachorum exemplar.

14. *Sobrietas* vero eſt Temperantia circa voluptatem ex potu oriundam modum ac rationem præſcribens. Si enim aliorum ſpectet potus, inquit *Scaliger exerc. 299. ſ. 2.* quàm ad liquefactionem, attenuationem, lubricationem, delationem cibi, ſuccivè ſuâ naturâ craſſioris ex ſuis exit finibus committiturq; vitium.

15. Sobrietati in exceſſu Contrariatur *Bibacitas*, quâ in potu modum excedimus, quemadmodum Græci olim hoc vitio celebres fuerunt, quæ de re *Athen. l. c. c. 12.* qui ut eò magis hospites ad bibendum urgere poſſent, utebantur poculis rotundis, quæ cum ſtare non poſſent, promovenda ſemper erant. Inprimis hoc vitio claruit Neopolitanus ille, qui appoſitâ lagenâ vino repletâ ſepulchro ſuo hos verſiculos inſculpi juſſit.

*Vina mihi vitam, mortem mihi vina tulerunt,*

*"Sobrius auroram cernere non potui.*

*Oſſa morum ſciunt, vino conſperge ſepulchrum,*

*"Et culite epoto, charè viator, abi.*

Hodie verò non Germani ſaltem (quod cavillatur *Scaliger 32 Poët. r. 17.*) ſed pleræq; nationes in hoc vitium ſunt proclives, & inprimis ipſius Scaligeri populares, quod teſtantur verſiculi hi notii:

*Nil comedū, Germane, bibū bene. Nil bibū, Angle,*

*Sed comedū. Comedū, Galle, bibūq; bene.*

In defeſtu vitium *ἀνώνυμον* eſt, quo quis minus ac decet potus voluptate afficitur. l. 3. *Erb. c. 16. S. 1.*

16. *Caſtitas* deniq; *Thoma 2. 2. q. 101. art. 3.* eſt Temperantia delectationum venerearum. Ubi per Venereâ intelligas non modo actum venereum, ſed etiam voluptatem in amplexu, tactu, geſtuq; corporis, vultus, oculorum &c. quæ omnia, ne aurea Mediocritas violetur, Caſtitas regere debet.

17. Caſtitati in exceſſu repugnat *Impudicitia*, quâ in Venereâ putres (licet verbo *perſu* uti) teritur. Inter illos ſunt monſtrati

strum illud *Heliogabalus*, qui nudas puellas sibi prandenti & coenanti ministrantes constituit, & tantam multitudinem pellicum aluit, ut earum nullam reiterarit. *Joh. Baptist. Ignatius in vita Heliogabali.* Huc etiam referri debet *Messalina* *Claudii Imperatoris* uxor, quæ tam prodigiosa fuit libidine, ut elegerit in certamen nobilissimam & prostitutis ancillam, mercenaria stipis, eamq; die ac nocte superarit quinto ac vicesimo concubitu, teste *Suetonio*. Hoc vitio Galli creduntur imprimis laborare, unde cum *Germano à Gallo* quodam objiceretur bibacitas, hoc disticho:

*Germani cunctos possunt superare labores,*

*O utinam possent tam bene ferre sitim.*

Respondit & regessit *Germanus*, Gallisq; exprobravit Impudicitiam in quam feruntur præcipites, versus talis est:

*Vinum Germanos vexat, sed femina Gallos,*

*Dilemibi quid gravius, vulva vel urna, nocet?*

In defectu verò *Stupiditas*, quæ consistit in eo, si quis neq; licite Veneris sensu aut cupidine videtur affici, quo vitio laborasse perhibetur *Diogenes*, qui omnes mulieres suspensas cupiebat. Nec non *Guelphus Dux Suecia* cum *Mechilda* uxore juvencula & lepida ludere prorsus nolens, de quo prolixè *Venceslaus Hagedius in Chronick Bobemicu part. 1. Anno 1069.*

18. Sed hæc de *Temperantia* Objectis, ejusq; speciebus dicta sufficiant. Ut autem hujus Virtutis naturam penitus inspiciamus, transgressum nunc merito facimus ad ejus extrema, quorum duo sunt, uti ex *l. 2. Eth. c. 7. § 3. & l. 3. c. 11.* videre est; alterum ἐν ὑπερβολῇ & dicitur Ἀκρασία seu *Intemperantia*; alterum ἐν ἐλλείψει, & nominatur improprio vocabulo Ἀνασθησία, *Stupiditas*, voluptatum vel appetituum vacuitas.

19. *Intemperantia* est Vitium in excessu, quo citra delectum quasvis voluptates in gustu & tactu positas nullā habitū honestatis ratione immoderate expetimus. Exemplum idq; tritissimum exhibet *Sardanapalus*, *Epicuri* de grege porcus. Videatur *Justinus l. 1. Diodorus Siculus l. 2. Strabo l. 14. & Clarissimus Schickardus in Tarich f. 42.* qui etiam *Epitaphium*, quod sepulchro suo post mortem inscribi



scribi voluit, refert, quod de moribus apud posteros testaretur. Id ex Assyriaco idiomate Græci hoc modo expresserunt :

Ταῦτ' ἔχω ὅσ' ἔφαγον, καὶ ἐφ' ὕελοι, καὶ μέτ' ἔρω

Τέρεπν' ἔπαθον, πὰρ δὲ πολλὰ καὶ ὀλβία κείνα λείπειται.

Quod Cnero ad fin. ultimi libri *Quæstion. Tuscul.* ita exposuit  
Latine : *Hæc habui, quæ edi, quæq; exsaturata libido*

*Haufit : at illa manent multa & præclara relictæ.*

Alii referunt in Achiala, urbe minoris Asiæ ab illo condita, reper-  
tum fuisse cum titulo: ΕΔΕ, ΒΙΒΕ, ΛΥΔΕ. & his quoq; versibus an-  
te priores : Εὐ εἰδὼς ὅτι θνητὸς ἔφους, τ' θυμὸν αἰεε

Τέρεπν' & θαλίησι θανόντι πειεῖς ὄνησις.

Hoc est : *Cum te mortalem novum præsentibus exple*

*Delictis animum : post mortem nulla voluptas.* &c.

20. *Stupiditas* est vitium morale, per quod homo ab omni  
sensu voluptatis alimentariæ & veneræ abhorret. Notanda ejus  
Synonymia. Vocatur Græcè *Αναισθησία*, quæ vox componitur  
ex privativa particula, α, & αἰσθησία. q. dicas, carentia sensus in-  
aspersandis & necessariis & honestis voluptatibus. Ut enim Tem-  
perantia sedat appetitiones : ita stupor appetitum extinguit, ut ait  
Cicero 4. *Tusc.* Damascen. in *Dialect.* c. 57. vocat ἡλιθιότηα.

21. Sed alenum penitus est hoc vitium à natura, utpote,  
quæ non tantum doloris, sed etiam voluptatis sensu est prædita, id-  
eoq; & rarissimum, proprioq; apud Latinos caret nomine : apud  
Græcos nomen habet generalissimum. Ut enim quam plurimi  
homines semper extiterunt & extant, qui intemperantiæ vitio la-  
borarunt & laborant : ita paucissimi sunt, qui à temperantia ad ex-  
cessum, videlicet *Stupiditatem* declinant, quæ etiam honestarum  
voluptatum est contemptus & fastidium. Exemplum est *Dio-  
genes Cynicus*, qui pro domicilio utebatur dolio de palo suspenso,  
& pane excavato pro catino, crudis herbis & aquâ simplici victi-  
tabat. *Diogenes* iste vulgò canis dicebatur. Cum autem multa  
sint eorum genera, videlicet venatorii, aucupatorii, custodes o-  
vium & ædum & qui in deliciis habentur, & quidam percontaretur  
qualis ipse esset : *Esuriens Melitæus* dixit. & *satur Molestus* : quod  
cibi appetens blandiretur, satur morderet.

22. Temperantiam excipit LIBERALITAS & MAGNIFICENTIA, cum enim *πλεονεξία* id est pecuniæ sint nervus rerum gerendarum (*ἀνδρῶν τῶν ἐν ἐν τῷ δευτέρῳ βιβλίῳ*, juxta *Demosthenem*) providè curandum est ne nervos nobis inclinet & clavam manibus excutiat nimius pecuniarum amor. Auxiliatrices igitur manus porrigit *Liberalitas* & *Magnificentia*, pauperumq; inopiam sublevat, nominis famam acquirit, favoremq; omnium conciliat. Unde solitus etiam fuit dicere *Xenophon*, laudabilius esse beneficiorum post se relinquere multitudinem, quam trophæorum. Hinc *Cyrus* interrogatus, cur sibi nihil reliquisset ex ornamentis dono acceptis; *Quia*, inquit, corpus meum his omnibus ornari non potest, amicos autem huic ipsis ornatos intuens maximus mihi ipsi ornamentum additum esse putabo. Imo patris illius æterni διδόντος *ἀποδοῦναι* *πλεονεξία* καὶ μὴ ἐνεδίχοντο *Jacob*. 1. 5. vestigia premit *Liberalitas*. Hoc unum enim, inquit *Demosthenes*. ap. *Max.* *serm.* 8. Deo simile homines habent. ut benignè facere possint. Et etiam respicit *Seneca* l. 4. de *Beneficiis*.

23. Est autem *Liberalitas* (*Cicero* beneficentiam vocat l. 1. off. p. 421. & l. 2. offic. p. 506.) μεσότης πρὸς τὰ χρηματικά μικρά. Vel πρὸς δόσιν χρημάτων καὶ ἡ ψιν l. 4. Eth. c. 1. & l. 2. Eth. c. 7. Virtus moralis circa opes modicas earumq; tum acceptionem tum erogationem occupata.

24. Obiectum igitur sunt τὰ χρηματικά. χρηματικά ἢ λεγόμενα πάντα, ὅσων ἡ ἀξία νομισματικῇ μετρήται. l. 4. Eth. c. 1. Opes dicuntur omnia (non solum pecunia lignata) quorum pretium nummo æstimatur.

25. Ita autem *Liberalis* circa pecunias versatur ut medium observet, & in dando & in accipiendo. Inde & λήψις & δόσις duo actus *Liberalis* constituuntur.

26. In dando *Liberalis* habet rationem 1. *Finis*. Solius enim honestatis gratiā dat & largitur. l. c. non verò tacite utilitatis causā & futuræ remunerationis, teste *A. G. 2. 17. No. 1. Att.* multo minus ostentationis ergo, *Matth.* 6. 1. 2. modi erogationis. Dat enim ἡ δέωσις καὶ ἀλύπως l. c. quod & habet *Syracides* c. 35. 10. & *Paulus* 2. *Cor.* 9. 7. 3. *Persona*, cui beneficiendum. Non enim



πῶς τοῦτο δοῦναι, quibusvis occurrentibus subveniendū est: sed οἷς δεῖ, quibus dare convenit. Hujusmodi autem sunt non modo homines virtute præditi, sanguine nobis juncti, amici & bene meriti: sed omnes omnino personæ miserabiles, in quibus aliqua virtutis significatio apparet. Cic. l. 1. offic. p. 471. & seqq. 4. Quantitatu beneficii, ut det ὅσα δεῖ, quantum decet, videndumq; ne major sit benignitas, quàm facultas, uti Cicero loquitur. 5. Beneficiorum qualitatū, ne det forte quæ accipienti vel non prosint, vel noceant, de quo Seneca l. 1. de benef. c. 2. pulchrè differt. 6. Tempori & loci. Ingratum enim beneficium est, ait Seneca l. 2. c. 1. de Benef. quod diu inter manus dantis hæsit, ut & quod palam exhibetur. Notatu enim dignum præceptum ejusdem Senecæ est l. c. c. 9. Præcipiunt, inquit, omnes autores sapientiæ, quædam beneficia palam danda, quædam secretò. Palam, quæ consequi gloriosum est, ut præmia: Cætera, quæ honestiorem accipientem non faciant, sed occurrunt infirmitati, egestati, ignominia tacitè danda sunt.

27. In accipiendo Liberalistria observabit: 1. Ne accipiat, unde & à quo non est accipiendum. l. c. Malè ergo Vespasianus ex lotio opes corrasit. 2. Ne sit ἀντηλικός. In quo peccavit graviter Alphonsi regni eques, qui ab hostibus captus & vinculis tandem solutus à Rege in calamitatis solatium plurima postulavit juxta ac impetravit. Rex cum ad suos rediret: Differeam, inquit, mei vine etiam uxori meam posceret eques meus. 3. ut alii benefactorum δότι τῶ ἰδίων sumat. Audiat ergo Terentianum illud: De tui largior puer.

28. MAGNIFICENTIA ἐστὶ μεσότης πρὸς τὴν ἡμέραν τὴν μεγάλην. l. 2. Eth. c. 7. vel: ἡ μεσότης πρὸς τὴν δόξαν πρὸς τὴν μεγάλην. ἡ δὲ μεσότης πρὸς τὴν δόξαν ἐστὶν ἡ πρὸς τὴν δόξαν πρὸς τὴν μεγάλην. ἡ δὲ μεσότης πρὸς τὴν δόξαν ἐστὶν ἡ πρὸς τὴν δόξαν πρὸς τὴν μεγάλην. Est Virtus moralis, quæ circa opes magnas versatur, & quæ circa eas sunt, actiones dirigunt. A quibus non abeunt ea, quæ habentur l. 1. Rhet. c. 9.

29. Objectum ergo est ἡ μεγάλη δαπάνη, h. e. sumptus magnus l. 3. Eth. Eudem. c. 6. qui in res præcarias & diuturnam agentis memoriam conservaturas impendendus est. καὶ οὕτως ἡ magnificencia τὸ πρὸς τὴν δαπάνην καὶ τὴν δαπάνην καὶ τὴν μεγάλην ἐπιμελῶς. l. 4. Eth. c. 2. Quod ut ab ipso fiat, tria sunt necessaria:

1. *finis verus*, ut honestatis causa sumptus faciat. 2. *Modus congruus*, ut ἡδύς & ὡρελκνός. 3. *Opus condignum* (idq̄, vel publicum vel privatum) ut sumptus operi & opus sumptui respondeat.

30. Magnam quidem affinitatem Liberalitas & Magnificencia habent inter se, non tamen ex stimandum est cum *Caso l. 2. Inst spec moral. c. 7.* quasi invicem hæ duæ virtutes coincidunt & neq̄, realiter neq̄, specie à se invicem distinguantur. Licet enim in hoc generali sit convenientia; interim tamen hæ generalitas non officit speciali distinctioni utriusq̄ virtutis.

31. Consistit autem differentia Liberalitatis & Magnificencie 1. in *subjecto*. Magnificencia enim duntaxat convenit opulentis & in præclara aliqua dignitate constitutis, quod si vilioris fortunæ homines magnifica faciendo imitentur, tantum abest, ut propterea magnifici dicantur, ut prodigalitatæ potius crimen incurrant: Liberalitas verò in plebeios imò etiam in pauperes cadit.

32. Differunt 2. *Objectis*, externo scilicet & interno, item materiali & formali. Magnificencia affectum circa res magnas, Liberalitas circa mediocres coercet; ac proinde Liberalitas circa opes parvas, Magnificencia vero circa magnas versatur. *l. 2. Eth. c. 7. & l. 4. c. 2.* Hinc etiam non eadem est ratio mensurandi utrasq̄, expensas. Sicuti enim segetem nimia sternit ubertas, & sicuti rami onere franguntur: sic sæpe animos immoderata felicitas rumpit, ita ut ij sæpe in tenuiori fortuna constituti medium possint observare, non tamen possunt si fortuna ipsos in altiore locum transtulerit. Hinc *Gobrias apud Xenophontem* difficillimum repertum virum iudicat, qui secundam fortunam rectè ferat. Et præsertim manifestum est *Tantali* exemplum, quem *Pindarus* ait magnas divitias, κατὰ ψαλόν, concoquere non potuisse.

33. Differunt 3. *actionibus*. Liberalitatis actiones duæ sunt: datio scilicet & acceptio *l. 4. cit. c. 1.* Magnificencia verò tantummodo erogando seu sumtus faciendo sese exercit. *c. 2. §. 4.* Deniq̄, etiam *finibus*, uti ostendit *Burleus*, quem sequitur *Acciajolis*, *Dorbelus* & *Muretus*. Finis enim Liberalitatis est gratuita communicatio: finis vero magnificencie est magnitudo & excellentia operationis, cujus gratia Magnificus magnas res rationabiliter impendit.

34. Libe-



34. Liberalitati in excessu opponitur Prodigalitas, quæ dando modum excedit, accipiendo autem deficit. l. 4. c. 1. §. 16. In defectu verò Illiberalitas, quæ duplex : Totalis seu Partialis. Partialis aut dando saltem deficit, aut accipiendo tantum excedit, quàm posteriori qui laborant, turpi lucro dediti dicuntur, quemadmodum qui priori parci tenaces & restricti. Totalis verò Illiberalitas, quæ propriissimè avaritia dicitur est vitium, quo & dando deficient homines & excedunt modum accipiendo, de quo vitio ita Cic. morat pro Quint p 5. Nullum est officium, inquit, tam sanctum atq; solenne quod non avaritia continere atq; violare soleat. Hæc enim, ut Salustius habet, fidem, probitatem, cæterasq; artes bonas subvertit : pro his superbiam, crudelitatem, DEOS negligere, omnia venalia habere docet, & quasi malis venenis imbuta, corpus animūq; virilem effœminat, semperq; infinita & insatiabilis est, neq; copiâ, neq; inopiâ minuitur. Exempla habet Valer. Max. l. 2. c. 4.

35. Magnificentiæ in excessu opponitur Paravicia, d est, inepta magnorum sumtuum profusio, vel, infinitus aut etiam inconsideratus atq; imprudens in faciendis magnis sumptibus splendor sive luxus. In defectu autem *μικρογενεια*, parsimonia in magnis sumptibus erogandis indecora, quando in magnis sumptibus in res præclaras erogandis tenaces valde & sordidi quidam inveniuntur. De quibus omnibus vid Aristot. l. 2. Eth. c. 7. §. 5. & lib. 4. c. 2. §. 3.

36. Ordinis ratio postulat, ut etiam virtutes, quæ circa honores occupatæ sunt, videamus, quæ Modestia & Magnanimitate absolvuntur.

37. Est autem MODESTIA ex c. 4. l. 4. Eth Virtus Moralit, quâ in appetendo honore modico & parvo modus servatur. Modici itaq; honores ac parvi sunt objectum Modestiae, circa quos Modestus ita se gerit, ut, 1. ambitiosè & ultra quàm meritis est, eos non appetat. 2. sibi debitos non negligat, sed prout decet pro virili sustineat, ac tueatur. 3. his modis legitimis acquisitis ut contentus sit.

38. Quod dum facit mediâ incedit viâ ab utroq; vitio extremo remotus. Excessus enim Modestiae est Ambitio, quando quis magis quàm decet, & unde non decet honorem mediocre

appetit. Defectus verò est ἀφροσύνη hoc est mediocrium honorum eorumq; debitorum contemptus & aspernatio.

39. MAGNANIMITAS verò est Virtus moralis, quæ honores magni decenter ac moderatè expetuntur l. 4. Eth. c. 3. §. ult. Estimandus autem honor est ex dignitate & veritate, uti docet Arist. l. 3. Eth. Eud. c. 5.

40. Circa magnos itaq; honores Magnanimus versatur, & quidem ita. si ductum Aristot. locis citatis sequi voluerit, ut 1. Magnis honoribus & à viris honestis sibi oblatis moderatè gaudeat. 2. In omni fortuna tam secunda quàm adversa decenter se gerat. 3. Bona externa, quæ ad sui splendorem faciunt, modo debito sectetur. 4. Erga viros excelsos se quoq; magnum, erga mediocres moderatum exhibeat. 5. Loca honorata, in quibus alii primas tenent, ne adeat. 6. Omnia deliberatò suscipiat & agat. 7. Magna & præclara agat. 8. Quos odit vel amat, palàm odio habeat vel amet. 9. Ad nutum alterius nisi amici ne vivat. 10. Non sit rerum ab aliis gestarum admirator. 11. Neq; laudet alios, neq; traducat. 12. Non querulus sit de rebus ad vitam necessariis. 13. Et deniq; ejus incessus sit tardus & gravis, oratio firma & stabilis.

41. Extrema quæ Magnanimitati opponuntur etiam duo sunt: unum in defectu, seu Pusillanimitas, alterum vero in excessu, quod Græcis χαυνότης dicitur, Latinis animi elatio, fastus vel superbia. l. 2. Eth. c. 7. l. 4. c. 3. & l. 1. Magn. Mor. c. 26.

42. Pusillanimitas est vitium, quo qui laborat cum bonus atq; honoribus dignus sit, seipsum privat his, quibus est dignus. Atque hoc pacto non solum sibi injuriam facit, sed tum se, tum exemplo suo alios ab actionibus honestis atq; præclaris abstrahit.

43. Fastus vero est vitium, quo inquinati honorabilis quasi illis digni essent aggrediuntur atq; arripiunt; postea verò quia indigni repetuntur, iridentur & vituperantur.

44. Circa præsentem virtutem nihil aliud notatu dignum, quod non ab aliis prolixissimè sit explicatū. occurrit, nisi quod quædam difficultates adhuc exponendæ restent, quarum prima est: An Magnanimitas sit virtus. Secunda: An sit distincta à modestia & reliquis virtutibus. Priori enim videtur ob stare quod nulla virtus contrarietur alteri virtuti; Atqui Magnanimitas contrariatur Humilitati, contem-



contemnit enim alios & magnis se dignum reputat, quemadmodum Arist. prolixè ostendit; humilis verò non contemnit alios, nec multum sibi ipsi arrogat: Ita etiam immemor est beneficiorum minima, negligit & respuit, uti ex c. 3 §. 4. 5. 6. & 7. l. 4 Eth. constat quod idem est contra gratitudinem. E. Magnanimitas non est virtus.

45. Quod non sit distincta à Modestia ex eo patet, quod utraq; circa honorem versetur; Imò quod magis dubium est, videtur Magnanimitas cum iustitia universali coincidere, hæc enim operatur in operationibus aliarum virtutum omnium, ita ut etiam Aristoteles dicat in magnanimo esse concursum omnium virtutum, ita enim in cap. 1. Videbitur autem inquit esse magnanimi in unaquaq; virtute magnum & paulò post: (si quis ad concretum confugiat) Videtur igitur Magnanimitas quidam ornatus esse virtutum.

46. Ad primum dicendum est Magnanimitatem minimè contrariari humilitati, imò Magnanimum esse humilem secundum illud Seneca:

Quo fortuna altius

Evexit atq; levavit humanas opes

Hoc se magis suppressere felicem decet.

Neq; contemnit studiosos viros & virtutibus præditos, uti rectè notat Acciajolus c. 83 sed eos, qui virtutibus vacui sunt, & ob res externas, divitias v. g. vel ob aliquam prosperitatem laudantur. Quod a. Humilitas dicat & inculcet, quod homo se ipsum parvi pendat, hoc facit secundum considerationem propriorum defectu, qui competunt ipsi ex infirmitate naturæ; Magnanimus v. dignum se autumat magnis secundum considerationem donorum, quæ possidet ex Deo.

47. Ita etiam Magnanimus minimè est ingratus, quod eruditissimè explicat Giphanius in comment. cujus verba lubet ascribere: Verum ea ita sunt accipiendi, Magnanimum libenter sua meminisse, aliena non item: Non exprobrandi causa neq; ostentandi; sed quia hæc recordatione renovetur sua excellentia ipsi, quod unum sit let. nec ab aliis sua, non aliorum sibi præstata beneficia commemorari libenter audit. non quod sit ingratus aut immemor beneficiorum esse velit, sed quia sua audiri lo reficitur illi sua excellentia alieni audiendo sua humilitas & imbecillitas. Hæc Giphanius.

48. Secundum ex sup. art. facile tollitur, quemadmodum etiam tertium doctissimè est rejectum à Nicol. Dornell qui suam à tac. hinc res exponit, quando dicit: Notandum tamen quod Magnanimitas, licet præsupponat alias

alias virtutes & ad Magnanimū pertineat esse magnū in qualibet virtute sit virtus speciali & non generali, quæ ponit modū rationū circa determinatā materiā, honorē sc. Quia v. honor est cuiuslibet virtutū præmiū ideo ex consequenti ratione suæ materiæ respicit omnes virtutes, in quantū namq. tēdit ad ea, quæ sunt digna magno honore, intēdit magna operari in qualibet virtute. licet etiā qualibet virtus habeat quendā decorē seu ornatū ex sua specie; superadditur tamē aliquotatō ex ipsa magnitudine operū virtuosī per magnanimitatē, quæ omnes virtutes maiores facit ] 49. De Mansuetudine ulrimo ut agamus ordo exit. Est autem MANSUETUDO Virtus Moralis, quæ in vindicando mediocritatem ostendit, iramq. moderari docet.

50. Objectum ejus internum est ira, quæ l. 2. Rhet. c. 2. definitur quod sit cum dolore conjuncta apparentis vindictæ appetitio, ἡ ἐν ὀργῇ ἐρεξίς καὶ λύπη πινυρίας φαινομένη διὰ τὴν φαινομένην ὀλιγωρίαν τῆς εἰς αὐτὸν, ἢ εἰς αὐτὸς τινα μὴ περὶ σκενίσας. Hanc Seneca graphicè depingit, l. 2. de ira c. 1.

51. Externū v. sunt ea omnia, quæ iram atq. indignationē in animo hominis cōcitare queunt, veluti injuriæ, damna, contumeliæ, convitiā & omnia alia, quib. vel fama, vel bona nostra vel nostrorum videntur posse lædi. ] 52. In his autem omnibus iram Mansuetus moderabitur, irasceturq. propter quæ oportet, & quibus irasci oportet, & quomodo, & quando & quādiu oportet, l. 4. Eth. c. 5.


53. Quibus verbis quinq. viri Mansueti conditiones recensentur, quarum prima est : Ne ex affectu irascatur, sed ob causam gravem & justam. Secunda: Ne irascatur omnibus, sed qui consulto eum lēserunt. Tertia: Ne irascendo modum excedat. Quarta: Ut nec statim, nec semper irascatur. Et quinta: Ne iram diu foveat. Eph. 4. 26.

54. In excessu huius virtutis opponitur Iracundia, cuius 3 species l. c. Philosophus enumera : Excarescentiam scilicet, quā qui laborant citò quidem ad iram commoventur, sed statim iterum placantur. Acerbitatem seu virulentiam, quā qui contaminari sunt, facillē quidem iram non concipiunt sed semel conceptā difficulter depouunt. Et animi Asperitatem, quā aliquis citò, apertē & graviter irascitur, nec absq. vindicta & punitione reconciliatur.

55. In defectu peccat Lentitudo (ita enim reddidit Cic. l. 1. ad Quint. frat. Ep. 1.) quæ est ejusmodi vitium, quo aut plane non, ne quidem ob justas causas, aut minus, quā decet, homines irascuntur.



tionē  
viiā  
rati-  
s mi-  
a &  
passio  
est,  
lecto  
ter-  
lasti.  
eorū  
sine  
atq;  
gnis  
tuis  
passio  
dul-  
r, ac  
llu-  
ccel-  
ostri  
sin-  
au-  
or-  
eorū  
atū,  
stū,  
uo-





Biblioteka Jagiellońska



stdr0025083





29.